

ՀՈԳԵՎՈՐ

**ՎԻՐԱՅԱՅՈՑ ԹԵՄԻ ԱՌԱՋՆՈՐԴԻ ԿԻՐԱԿՆՈՐՅԱ
ՔԱՐՈՉԽՈՍՈՒԹՅՈՒՆԻՑ**

**«ՊԱՅԹԻՑ ԴԵՏՈ, ՍԽԱԼ ՍՈՎՈՐՈՒԹՅՈՒՆՆԵՐԻՑ
ՀԵՌԱՆԱԼՈՒ ՊԱՐՆ Է ԳԱԼԻՍ...»**



Անցած կիրակի՝ փետրվարի 19-ին, Թբիլիսիի Սուրբ Գեորգ առաջնորդանիստ եկեղեցում, հավարտ կիրակնօրյա Սուրբ պատարագի, Վիրահայոց թեմի առաջնորդ Տեր Կիրակոս վարդապետ Դավթյանը Բուն Բարեկենդանի եւ փետրվարի 20-ից սկսվող Մեծ Պահքի շրջանի խորհրդի մասին իր քարոզում, ի մասնավորի, ասաց.

- Ոչ միայն հացով, այլ նաեւ բանիվն Աստծու: Ոչ միայն հացով, այլ նաեւ Աստծու խոսքով:

Սիրելի հավատացյալներ, Հայ Առաքելական Սուրբ եկեղեցու օրացույցով փետրվարի 20-ից սկսվում է Մեծ Պահքը, ինչը հայ հավատացյալի համար հոգեւոր ուխտագնացություն է Մեծ Պահքի շրջանում: Եվ ամեն ամ-գամ, երբ մոտենում է այդ օրը, մենք սկսում ենք մտա-ծել, թե ինչպես անել, որպեսզի պահքը օգտակար լի-նի մեզ եւ հաճելի՝ Աստծուն:

Ցավոք, շատերը պահքը պահում են միայն պահք պահելու համար, բայց չեն խորանում պահք պահելու բուն իմաստի մեջ: Այդպիսի կեցվածքը կարող է մար-դուն տանել դեպի ծայրահեղություն: Հավատքը մեր կյանքի մասն է: Եվ մենք այդ հավատքը մեր կյանքի հետ խառնած պետք է առաջ տանենք: Համեմատելու համար մեջբերենք աղը, եթե աղը չափից ավելի լցնենք ճաշի մեջ, ապա այդ ճաշը չի ուտվի: Այնպես էլ հա-վատքը: Այն պետք է լինի մեր կյանքին համընթաց քայ-լող մի իրականություն:

Հետեւաբար, պահոց շրջանը հավատացյալի հա-մար պետք է լինի ոչ միայն որոշ կերակրատեսակնե-րից, այլ նաեւ որոշ վատ սովորություններից իրաժար-վելու շրջան: Պահքն անցկացնում ենք առանց մսե-ղեն, կաթնեղեն ուտելու: Երբ պահքը վերջանում է, նո-րից սկսում ենք դրանք ուտել: Սակայն, այդպես չպետք է լինի պահքից հետո սխալ սովորություններից հեռա-նալու հետ: Օրինակ, եթե մեկը որոշեց, որ Պահքի շր-ջանում այլեւս չի հայիոյելու կամ չի բամբասելու, դա չի նշանակում, որ 49 օր հետո, երբ տոնենք Սուրբ Հա-րության տոնը, նա պետք է առաջվա նման սկսի ե՛լ՝ հայիոյել, ե՛լ բամբասել: Պահքն ամեն տարի եկեղե-ցական կյանքի մասն է, ամեն ամգամ հավատացյալ մարդը հնարավորություն ունի հանել ու դեն մետել վատ սովորությունները:

Այսօրվանից փակ է խորանի վարագույրը: Խորանը խորհրդանշում է դրախտը երկրի վրա, այսինքն՝ դրախ-տի դարպասները փակ են, հավատացյալը մնացել է ինքն իր հետ՝ կանգնած հայելու առջեւ: Նա պետք է այդ ընթացքում իր մեջ խորհելով, կարողանա հասկա-նալ, տեսնել այն սխալ սովորությունները, սխալ ուղին, ինքը գնում է, եւ պետք է կարողանա այդ ամենը իր կյանքից հանել, ձերբազատվել:

Պահքն այն շրջանն է, երբ հոգեւոր մարդը շատ ավելի է մոտենում ֆիզիկական մարդուն: Իսկ մար-դու հոգեւոր կյանքը պետք է լինի ձեռքի եւ աչքի պես, ֆիզիկական մարդը պետք է լինի ձեռք ու աչք, որովհետեւ երբ ձեռքը ցավում է, աչքը լալիս է, իսկ երբ աչքն է լալիս, ձեռքը սրբում է արտասուքը: Այդ-պես էլ պետք է լինի մարդու ֆիզիկական եւ հոգեւոր համակենթությունը:

Եվ միայն այդ ժամանակ մենք կկարողանանք ճիշտ հասկանալ՝ ի՞նչն է սխալ, ի՞նչն է թույլ, ի՞նչն է վատ, եւ կկարողանանք այդ վատը հանել ու դեն մետել մեր միջից:

Ահա սա է բուն Պահքի իմաստը: Պետք է կարողա-նանք Պահքը պահել ե՛լ ֆիզիկապես, ե՛լ հոգեպես: Իսկ հոգեպես Պահք պահելու համար անհրաժեշտ է, որ մենք ոչ միայն խորանանք մեր մեջ, ոչ միայն՝ սկսենք փրկվել մեր սխալներից, այլ նաեւ մեր մեջ ավելաց-նենք սեր միմյանց հանդեպ: Երբ մարդ կկարողանա իր դիմացինի մեջ տեսնել նույն Արարչի ստեղծածին, երբ նա կհավատա, որ ինքն ու դիմացինը նույնքան սիրված են եւ սիրվում են նույն Աստծու կողմից, մի-այն այդ ժամանակ կկարողանա ինքնահայեցողու-թյամբ, ինքնաքննությամբ եւ ինքնագնությունը գտնել ու ջնջել այն սեւ կետը, որը միշտ խանգարել է իր հո-գեւոր կյանքի ընթացքում:

Ուժ, կարողություն են մաղթում բոլոր այն մարդ-կանց, ովքեր որոշել են այդ օրվանից մտնել հոգեւոր ուխտագնացության մեջ, քայլել պահոց շրջանում, որ-պեսզի հաղթանակած հասնեն մեր հաղթանակած Սուրբ Հարության տոնին:

ՀՈՎՀԱՆՆԵՍ ԹՈՒՄԱՆՅԱՆ - 154

ԹԲԻԼԻՍԻՆ ՆՇԵՑ ԱՄԵՆԱՅՆ ՀԱՅՈՑ ԲԱՆԱՍՏԵՂԾԻ ԾՆՆԴՅԱՆ ՕՐԸ

(Սկիզբը՝ 1-ին էջում)

Օրը շարունակվեց Ամենայն հայոց բանաստեղծ Հովհաննես Թումանյանի ծննդյան օրվան նվիրված միջոցառումներով:

Մեծն Լոռեցու 154-րդ տարեդարձի տոնակատա-րությունը սկսվեց բանաստեղծի թբիլիսյան հարկի տակ «Հովհ.Թումանյանի տանը», որտեղ նա ապրել ու արա-րել է՝ դառնալով հայ եւ վրացի ժողովուրդների բարե-կամության խորհրդանիշ, երկու երկրների գրականու-թյունները կապող կամրջի հիմնադիրը:

Հովհ.Թումանյանի աշխատասենյակում կայացավ Վիրահայոց թեմի առաջնորդ Տեր Կիրակոս վարդա-պետ Դավթյանի եւ Երեւանի պետական համալսարա-նի (ԵՊՀ) Շառլ Ազնավուրի անվան մշակույթի կենտրո-նի տնօրեն Կարինե Դավթյանի միջեւ համագործակու-թյան հուշագրի ստորագրման արարողությունը:

Հյուրերը հայագիտական գրքեր փոխանցեցին վիրա-հայ կառույցների ներկայացուցիչներին:

Մեծն Թումանյանի ծննդյան թբիլիսյան միջոցառում-ները շարունակվեցին Թբիլիսիի Հայ գրողների եւ հա-սարակական գործիչների հաշիվաճանձի պանթեոնում, որ-տեղ հանգչում է Մեծ բանաստեղծը:

Ներկաները ծաղիկներ խոնարհեցին Հովհ.Թումանյանի շիրմին: Արարողությանը հաջորդեց երջանկահիշատակ Լեւ-ոն Անանյանի նախածոնած եւ լուսահոգի Անահիտ Բոս-տանջյանի կողմից Վրաստանում արմատավորած գրքեր նվիրելու ավանդույթով: Բանաստեղծուհու դուստրերը այս անգամ եկել էին ոչ միայն ծնողական հարուստ գրադարա-նի ժառանգությամբ, այլեւ Հայաստանի «Արփինետ» ընկե-րության տնօրեն Արմեն Մուրադյանի կողմից Վրաստանի հայ համայնքին նվիրաբերած «Ոչ մի շաբաթ առանց Թու-մանյանի» գրքով եւ Հայոց պատմության ձեռնարկներով:

ՇՆՈՐՀԱՎՈՐՈՒՄ ԵՆՔ

ԱՐՔՈՒԹՅԱՆ ՏԻՏՂՈՍ՝ ՎԻՐԱՅԱՅՈՑ ԹԵՄԻ ՆԱԽԿԻՆ ԱՌԱՋՆՈՐԴ ՎԱԶԳԵՆ ԵՊԻՍԿՈՊՈՍ ՄԻՐՋԱԽԱՆՅԱՆԻՆ



Տարիների վաստակաշատ նվիր-յալ ծառայության բարձր գնահա-տումով, Վիրահայոց թեմի նախկին առաջնորդ, այժմ Մայր Աթոռի եկե-ղեցական հայեցակարգային բաժնի տնօրեն Գերաշնորհ Տեր Վազգեն եպիսկոպոս Միրզախանյանն արժա-նացել է Արքեպիսկոպոսի տիտղոսի:

Այդ մասին Քահանայից հավաքի ժամանակ, Մայր Աթոռում հայտարարեց Ն.Ս.Օ.Տ.Տ. Գաբեգին Երկրորդ Ծայ-րագույն Պատրիարք եւ Ամենայն Հայոց Կաթողիկոսը:

Վիրահայոց թեմի առաջնորդ Տեր Կիրակոս վարդա-պետ Դավթյանը, հոգեւորականաց եւ սարկավազաց դա-սը, աշխարհական պաշտոնյաներն ու բազմաթիվ հավա-

տացյալները շնորհավորում են Գերաշնորհ Վազգեն Սր-բազանին եկեղեցական բարձր տիտղոսին արժանանա-լու համար, մաղթում արեւշատ օրերով երկար տարինե-րի կյանք, առողջություն, Աստծուն նվիրված ծառայու-թյան մեջ առաջընթաց ու նորանոր բարձունքներ նվա-ճելու անկտրում կամք:

«Վրաստան» թերթը եւս միանում է Սրբազան հորը ուղղված շնորհավորանքներին եւ իր կողմից մաղթում Հայ Առաքելական Սուրբ Եկեղեցու պատգամներով ժո-ղովրդին առաջնորդելու նախանձախնդիր գործունե-ություն:

Պատմական տեղեկանք. «Արք» բառը հունարեն բառ է, որը նշանակում է «Մեծ»: Հայ Առաքելական եկեղեցում Արքություն տիտղոսը տրվում է վաստակաշատ եպիսկո-պոսներին:

ԴՊՐՈՑԱԿԱՆ ՄԻՋՈՑԱՌՈՒՄ

ՀԻՆ ԹԲԻԼԻՍԻԻ ԳՈՒՆԱԳԵՂ ՊԱՏԿԵՐԸ ԶԱՐԴԱՐԵՑ ԴՊՐՈՑԻ ՆԱԽԱՍՐԱՅԸ

Փետրվարի 23-ին մայրաքաղաքի թիվ 103 վրաց-հայկական հանրային դպրոցում եռուգեղ էր: Աշակետներն անհամբեր սպասում էին հանդիսավոր արարողությանը: 3 ամսվա ընթացքում նրանց ստեղ-ծած աշխատանքը վերջնական տեսքով ներկայացվելու էր դպրոցա-կան հասարակության, հյուրերի գնահատականին:

- Ինչպե՞ս ծնունդ առավ այս գաղափարը,- մեր այս հարցին պատասխանեց դպ-րոցի փոխտնօրեն, հայկա-կան մասնաճյուղի ղեկա-վար Հասմիկ Պապիկյանը:

-Դպրոցի գեղագիտու-թյան ամբիոնի ղեկավար Լիա Յանավայի մտահղաց-մամբ՝ պիտի իրականաց-վեր սոցիալական նախա-գիծ շրջակա միջավայրի պահպանման թեմայով եւ երկրորդային իրերի կիրառ-մամբ: Ուսուցչուհին եւ նա-խագծում ընդգրկված 7-9-րդ դասարանների աշա-կերտները խնդիրը քննար-կելուց հետո, ընտրում են թեման, այն կապում են մեր մայրաքաղաքի հետ: Ապա շրջելով Թբիլիսիի հինա-

վուրց փողոցներով, համա-ցանցում փնտրել-գտել են նյութեր ու կազմել մանրա-կերտը: Բերել ու հավաքել են կենցաղային թափոններ՝ թուղթ, պոլիէթիլենային տոպ-րակներ, պլաստիկ շշեր, ստվարաթուղթ, սալիկների կտորներ, խճաքարեր եւ նոր կյանք հաղորդել գործըն-թացին:

Դպրոցի տնօրեն Արչիլ Զխաիձեի ողջույնի խոսքից հետո, բացվում է դպրոցի առաջին հարկի նախասրա-հի մի պատը գարդարող այդ իրաշալի պաննոն: Աշ-խատանքը երեւում է իր ողջ հմայնքով՝ վերակենդանա-ցած գունագեղ թբիլիսյան տեսարաններ՝ ծուռտիկ-մուռտիկ փողոցներ, դու-

ք ա ն ե ռ ,
պ ա տ ժ -
գամբներից
նայող աղ-
ջիկ - պ ա -
ր ո ն մ ե ռ ,

փողոցում առեւտուր անող
կինտոներ... Խոսում պատ-
կերը զուգադրվում են դպ-
րոցի աշակերտների խոս-
քը, երգը, կինտոների առօր-
յան ներկայացմող տեսա-
րաններ մարմնավորող պարն
ու երգը:

Էկոլոգիական դաստի-
արակությանը խթանող իրա-
կանացված նախագիծն ու
գեղագիտական նուրբ ճաշ-
ակով ստեղծված պաննոն
բարձր գնահատեցին հյու-
րերը՝ Թբիլիսիի Իսանիի շր-
ջանից Սակրեբուլոյի մեծա-



մասնական պատգամավոր
Կախաբեր Լաբուչիձեն,
«Վրաստան» թերթի գլխա-
վոր խմբագիր Վան Բայբուր-
թյանը, Վրաստանի ԿԳ նա-
խարարության աշխատակ-
ցուհի Կարինե Մանուկյա-
նը, Իսանի-Սամգորիի շր-
ջանի ռեսուրս-կենտրոնի
պետ Մեգի Ծիկլաուրին,
Իսանիի շրջանի գամգեթայի
(վարչության) «Ավլաբա-
րի-Մետրոմշենի» թաղա-
մասային ծառայության բաժնի
պետ Լաշա Գոգուան:

ԿԱՐԻՆԵ ՄԱՆՈՒԿՅԱՆ

ԳԻՏԵՔ, ԱՐԴՅՈՔ...

ԱՏԱՄՆԵՐԸ ՄԱՔՐԵԼԸ՝ ՍՐՏԻ ԶԻՎԱՆԴՈՒԹՅԱՆ ԿԱՆԽԱՐԳԵԼԻՉ

Բժիշկները հաճախ են ասում որ մարդու օրգանիզմում ամեն ինչ փոխակապակցված է: Հե- տաքորքի է. օրինակ, ապամը ինչպե՞ս կարող է փոխա- պակցվել ներքին օրգանների. օրինակ, սրտի հետ: Գ.ՎԱՐԴԱՆՅԱՆ



Գուցե զարմանալի թվա, սա- կայն գիտնականներն ապա- ցուցել են, որ ատամների կա- նոնավոր մաքրումը նվազեց- նում է թրթռացող ռիթմը եւ սր- տի անբավարարության առա- ջացման ռիսկը:

Մասնավորապես, բերանի խո- ռոչի վատ հիգիենան եւ բերա- նում մանրէների մշտական ներ- կայությունն առաջացնում են լն- դերի եւ միակցիչ հյուսվածքնե- րի քրոնիկական բորբոքումնե- րը: Գինգիվիտ, պերիոդոնտիտ, Էնդո- տիկ ախտահարումներ: Բացի դրանից, կանոնավորապես ար- յան մեջ հայտնվող մանրէները մշտական ներքին բորբոքում են ապապոլում, ինչը մեծացնում է սրտի հիվանդությունների զար- գացման ռիսկը: Գիտնականնե- րը հետազոտել են 40-79 տարե- կան բուժառուների պահոցը,

որոնց անամնեզում թրթռացող ռիթմի խանգարում կամ սրտի անբավարարություն չեն եղել:

Արձանագվել է, թե օրական քանի անգամ եւ ինչպես են այդ մարդիկ լվացել ատամները. ինչ- պես նաեւ լնդերի հիվանդությու- ները եւ պարոդոնտը, բացակա ա տամների քանակը եւ ատամնաբույժին այցելության բոլոր պատճառները: Դիտար- կումներից 10.5 տարի անց, մաս- նակիցներից 4 911-ի (3 տոկոսի) մոտ զարգացել է թրթռացող ռիթ- մի խանգարում եւ 971-ի (4.9 տո- կոսի) մոտ՝ սրտի անբավարա- րություն: Ըստ որում նրանց մոտ, ովքեր ատամները լվացել են օրական երեք անգամ, ավելի հա- ճախ 10 տոկոսով ցածր է եղել թրթռացող ռիթմի խանգարումը եւ 12 տոկոսով՝ սրտի անբավա- րարության ցուցանիշը:

ՀԵՏԱՔՐԵՐ Է

ԻՆՉՊԵՍ ԳՆԱԼ ՀՅՈՒՐ



Ամեն անգամ հյուր գնա- լիս ամուսնուս հետ վիճում ենք: Նա կորականապես դեմ է որեւէ բան փանե- լուն (բացառություն են կազմում ծննդյան օրերը): Այդ պարզառով երբեմն շատ անհարմար վիճակ է ստեղծվում: Զօհրեմ ինչ- պե՞ս վարվել:

Կ.Վ. ԹՐԻԼԻՍԻ

Հարգելի Կ.Վ., Ձեր ամուսնուն շատ նրբորեն բացատրեք, որ ոչ մի դեպքում չի կարելի դա- տարկածեռն հյուր գնալ: Եվ ահա, թե ինչու...

Խոսքն ամենեւին էլ տոնե- րի եւ ծննդյան օրերի մասին չէ, այլ սովորական օրերի: Պար- զապես գոյություն ունեն կա- նոններ, որոնց պահպանումը հաջողություն է բերում: Դուք կարող եք թեկուզ առանց բարձ- րաձայնելու որեւէ մեկին բարի խոսք հղել, երջանկություն մաղ- թել: Լռությամբ ընծա մատու- ցելու այս ձեւը բավականին ազ- դեցիկ է:

Իսկ հյուր գնալիս անպայ- ման, թեկուզ շատ չնչին նվեր մատուցելը չգրված կանոն է, որը

պետք է պահպանել: Դա կարող է լինել 1 հատիկ ծաղիկ, բացիկ, որում գրված մաղթանքը ինչ-որ կերպ կարտահայտի մեր վերա- բերմունքը տանտիրոջ նկատ- մամբ: Այստեղ նյութը եական չէ: Կարելիորը հոգուց բխող կամե- ցողությունն է: Հետեւաբար դա կարող է նաեւ արտահայտվել տանտիրոջը ուղղված հաճո- յախոսությամբ, որը կբարձրաց- նի նրա տրամադրությունը:

Ըստ հաջողության հրաշա- գործ կանոնի, որքան շատ եք տալիս, այնքան ավելի մեծ է ավելին ձեռք բերելու հավանա- կանությունը: Եթե նույնիսկ ոչինչ չունեք տալու, դուք կարող եք մի քաջալերող խոսքով կամ ձեր օգնությամբ ժպիտ պարզել:

ԽՈՐՀՈՒՐԴ

ԻՆՉՊԵՍ ԾԻՇՏ ՆՍՏԵԼ

Միշտ պետք է նստել հնարավորինս մեծ մակերեսությամբ աթոռին՝ ապահովելով մեջքի հենարան: Ուղեքը պետք է ամուր դիպչեն հատակին:

Երբ նստած եք բազմոցին կամ բազկաթոռին, գոտկատե- ղի հարմարության համար մեջ- քի տակ փափուկ բարձր դրեք:

Եթե հնարավոր է, ծնկներն ազդրերից բարձր դրեք՝ օգտա- գործելով աթոռակ կամ աթոռի ոտնակ: Բազմոցից կամ աթո- ռից վեր կենալիս միշտ սկզբում

ուղեք մեջքը, բարձրացրեք գլու- խը, ապա վեր կացեք՝ ձգտելով շարժվել ոչ թե առաջ, այլ վեր:

Ուղիղ ու գեղեցիկ կեցված- քը լավացնում է հուզական վի- ճակը, ձեր մտքերի ընթացքը փոխում դրականի՝ դրանով բա- վական դրական ազդեցություն գործելով ողջ օրգանիզմի վրա:

ԱՇԱԿԵՐՏԻ ԵՎ ԾՆՈՂԻ ՀԵՏ ՀԱՂՈՐԴԱԿՅՎԵԼՈՒ ԳԱՂՏՆԻՔՆԵՐԸ

Ուսուցիչն ապրում է այնքան ժա- մանակ, քանի դեռ սովորում է. երբ նա դադարում է սովորել, նրա մեջ մահանում է ուսուցիչը: Կ. Դ. ՈւՇԻՆՍԿԻ



Գիտենք, որ սովորողների դաստի- արակության ու կրթության գործընթա- ցը բխում է առաջին հերթին հասարա- կության զարգացման պահանջներից, սովորողների դաստիարակության եւ կրթության գործընթացից: Ծնողները եւ մանկավարժները հաճախ են հուսա- հատվում ու տխրում կամ նյարդաճա- նում՝ երեխաներին դաստիարակելու իրենց ջանքերը ապարդյուն համարելով: Իսկ պատճառը շատ պարզ է: Ցանկացած իրավիճա- կում կա երեխաների հետ խոսելու ձեւ: Անհրա- ժեշտ է նախ հասկանալ երեխային հուզող հար- ցը, բացատրել ու գրուցել հավասարը հավասա- րի հետ, ձեռք բերել նրա վստահությունը, ապա առանց վիրավորելու ցույց տալ նրա բացթողմ- ները եւ սխալները, քանի որ յուրաքանչյուր մարդ սխալվելու իրավունք ունի:

Իսկ շատ հաճախ մանկավարժի կամ ծնողի սխալ խոսելը, հաճախ վարվելակերպը երեխա- ներին ետ են չալտում, եւ ստեղծվում է կոնֆլիկ- տային իրավիճակ, որն ավելի բարդացնում է ծնող -երեխա-մանկավարժ-դպրոց համագործակցու- թյունը:

Փորձենք պարզել, թե ինչպես պետք է համա- գործակցենք միմյանց հետ, որպեսզի հասնեն դրական արդյունքների: Դրա համար առավել նպատակահարմար ծնողական ժողովի կազմա- կերպումն է:

Ի՞նչ է պետք անել.

Որոշեք մեկ ավելի կարելու խնդիր, որը վե- րաբերում է ձեր դասարանի աշակերտներին, եւ դրա քննարկման հիման վրա ձեւավորեք ձեր գրույցը ծնողների հետ:

Հատուկ ուշադրություն դարձրեք դասարա- նում ծնողների աթոռների դասավորության վրա: Օրինակ, կարելի է սեղաններն ու աթոռները դա- սավորել շրջանաձեւ, որպեսզի բոլոր ծնողները լավ տեսնեն ու լսեն միմյանց:

Ծնողների հետ միասին մտածեք ժողովի մաս- նակիցների համար կանոններ: Օրինակ, խնդրի քննարկման ժամանակ չի կարելի անտարբեր մնալ, մերժելով առաջարկը (կարծիքը)՝ պետք է առաջադրվի մյուսը, դիմել միմյանց անուն-ազ- գանունով կամ միայն անունով եւ այլն:

Խնայեք ժողովին հրավիրված մարդկանց ժա- մանակը: Այդ նպատակով սահմանեք կանոնա-

© Հիվանդին զն- նելուց հետո բժիշկը մի կողմ է կանչում նրա ամուսնուն եւ ասում.

- Կասկածներ ունեմ,

որ ձեր կինը տառապում է ինքնահավանության մոլուցքով: Հիշեք, նրա ազգականների մեջ նման դեպքեր չե՞ն եղել:

- Իհարկե եղել է: Նրա մայրը մինչ օրս հաս-

տատում է, որ ինքը մեր տան տերն է:

© - Ինչպիսի՞ն է

ԱՆԵԿԴՈՏՆԵՐ

միաժամանակ թռչնի եւ խոզի գրիպով հիվան- դանալու հավանակա- նությունը:

- Զրոյական: Թռչուն- ներն ու խոզերը երբեք իրար հետ ընկերություն չեն անում:

© Բժիշկը գրու- ցում է բուժքրոջ հետ.

- Եթե չեմ սխալվում ես հենց թեք համճա- րարեցի արյուն վերց-

նի՞ տարեկան եք... - 82...

- Իրո՞ք, բայց ես Ձեզ չէի տա...

- Հա, հենց գիտես ես էլ կարա՞մ...

© - Մի մարդ գնում է խորհրդարան ու ասում է. - Ես ուզում եմ պատ- զամավոր դառնալ:

Բոլորը նայում են իրեն ու ասում.

- Դու հիմար ե՞ս: Մարդը.

- Խի, պարտադի՞ր ա:

ԹԵՎԱՎՈՐ ՄՏՔԵՐ

Երբ արհամարհանքը փոխադարձ է, մի ար- համարհանք չի ոչնչացնում մյուսին, այլ միայն կրկնապատկում է այն:

ԶՄՊԼԻՆ

Տաղանդը բաղկացած է մեկ երրորդ բնագ- դից, մեկ երրորդ հիշողությունից ու մեկ երրորդ կամքից:

ԼԵՆԻՆԱՐԴՈՂ ՊԼ ԿԻՆՉԻ

Վստահությունն արիություն է, հավատարմու- թյունը՝ զորություն:

ՍՈՒՎՈՐՈՎ

Խանդն արվեստ է՝ չարիք պատճառելու ավե-

լի շատ ինքն իրեն, քան ուրիշնե- րին:

ՎՈԼՏԵՐ

Ամենախելոքը լինելու ցան- կությունը ամենամեծ տխմարու- թյունն է:

ԷՅԼՆՏՆՅՆ

Գիտեցեք, երբ խորամանկ է տղամարդը՝ սրի- կա է, իսկ երբ խորամանկ է կինը՝ իմաստուն:

ՄԱՐԻ ՄԻԿՈՅԱՆ

«Վրաստանի» ընթերցող



ՀԱՅԱՍՏԱՆ. Փառարկեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՀԱՅԱՍՏԱՆ-ԱՊՐԵՋԱՆ-ԱՄՆ՝ ԵՌԱԿՈՂՄ ՀԱՆԴԻՊՈՒՄ ՄՅՈՒՆԽԵՆՈՒՄ

Փետրվարի 17-ին Մյունխենի անվտանգության համաժողովի շրջանակում տեղի է ունեցել Հայաստանի վարչապետ Նիկոլ Փաշինյանի, ԱՄՆ պետքարտուղար Էնթոնի Բլինքենի եւ Ադրբեջանի նախագահ Իլհամ Ալիևի եռակողմ հանդիպումը:

Համաձայն Պրահայում ձեռքբերված պայմանավորվածության, հանդիպմանն անդրադարձել են Հայաստանի եւ Ադրբեջանի միջեւ խաղաղության պայմանագրի նախագծի շուրջ աշխատանքների ընթացքին, ինչպես նաեւ տարածաշրջանային տրանսպորտային ենթակառուցվածքների ապաշրջափակմանն ու երկու երկրների միջեւ դելիմիտացիայի իրականացմանը:

Նիկոլ Փաշինյանը վերահաստատել է հայկական կողմի նպատակամղվածությունը՝ հասնել այնպիսի պայմանագրի ստորագրմանը, որն իսկապես կերաշխավորի տարածաշրջանում երկարաժամկետ խաղաղությունն ու կայունությունը:

Միաժամանակ, նա ընդգծել է Ադրբեջանի կողմից Լաչինի միջանցքի ապօրինի շրջափակման ու դրա հետեւանքով



ԼՂ-ում առաջացած հումանիտար, բնապահպանական եւ էներգետիկ ճգնաժամի փաստը:

Կարելիք է Հայաստանի եւ Ադրբեջանի միջեւ խաղաղության գործընթացի շարունակականության ապահովումը:

Հիշեցնենք, որ Հայաստանի եւ Ադրբեջանի ղեկավարները վերջին անգամ հանդիպել են անցյալ տարվա հոկտեմբերին Սոչի քաղաքում:

ԵՎՐԱՄԻՈՒԹՅՈՒՆԸ ՀԱՅԱՍՏԱՆՈՒՄ ԻՐԱԿԱՆԱՑՎՈՂ ԻՆՍՏԻՏՈՒՑԻՈՆԱԼ ԲԱՐԵՓՈԽՈՒՄՆԵՐԻ ԳՈՐԾԸՆԿԵՐՆ Է



Մյունխենի անվտանգության համաժողովի շրջանակներում, Հայաստանի վարչապետ Նիկոլ Փաշինյանն անցկացրեց մի շարք երկկողմ հանդիպումներ: Մասնավորապես, վարչապետը հանդիպում ունեցավ Ֆրանսիայի նախագահ Էմանուել Մակրոնի, Գերմանիայի կանցլեր Օլաֆ Շոլցի, Եվրոպական հանձնաժողովի նախագահ Ուրսուլա Ֆոն դեր Լայենի, Եվրոպական այլ երկրների ղեկավարների հետ:

տարբեր հարցեր:

Նիկոլ Փաշինյանն ընդգծեց, որ Եվրամիությունը Հայաստանում իրականացվող ինստիտուցիոնալ բարեփոխումների հիմնական գործընկերն է, եւ շնորհակալություն հայտնեց այդ ուղղությամբ ցուցաբերվող օժանդակության համար:

Իր հերթին, Ուրսուլա Ֆոն դեր Լայենը բարձր գնահատեց Հայաստանում ժողովրդավարական բարեփոխումների

ընթացքը եւ նշեց ԵՄ պատրաստակամությունը՝ շարունակելու աջակցության ծրագրերը մեր երկրին:

Կողմերը մտքեր փոխանակեցին Եվրամիության Արեւելյան գործընկերության տնտեսական ու ներդրումային պլանի շրջանակներում ՀՀ-ում իրականացվելիք ծրագրերի շուրջ:

Անդրադարձ կատարվեց Հարավային Կովկասի տարածաշրջանում առկա իրավիճակին:

ՀԱՅԱՍՏԱՆԻ ՄԱՐԴԱՍԻՐԱԿԱՆ ՕԳՆՈՒԹՅՈՒՆԸ ԵՐԿՐԱՇԱՐԺԻՑ ՏՈՒԺԱԾ ՄԻՐԻԱՅԻՆ

Հայաստանի վարչապետի հանձնարարականով, երկրի արտաքին գործերի նախարար Արարատ Միրզոյանը, հումանիտար աջակցության երրորդ խմբաքանակը՝ 32 տոննա քաշով մարդասիրական օգնությունը՝ տեղ հասցնելու նպատակով, եղավ Սիրիայի Արաբական Հանրապետության Հալեպ քաղաքում:

Սիրիա կատարած այցի շրջանակներում, Արարատ Միրզոյանը հանդիպում է ունեցավ Սիրիայի ԱԳ նախարար Ֆեյսալ ալ Մեկդադի, Սիրիայի նախագահ Բաշար ալ Ասադի հետ:

Փետրվարի 23-ին Դամասկոսում կայացած հանդիպում

մանը Հայաստանի ԱԳ նախարարն ու Սիրիայի նախագահ Բաշար ալ Ասադը քննարկել են Սիրիայի աղետից տուժած շրջաններում ստեղծված իրավիճակն ու առկա խնդիրները հաղթահարելու ուղղված աշխատանքները:



Հանդիպմանն անդրադարձ է կատարվել նաեւ հայ-սիրիական երկկողմ հարաբերություններին ու միջազգային հարթակներում փոխգործակցությանը:

Քննարկվել են նաեւ տարածաշրջանային եւ միջազգային հարթակներում փոխգործակցությանը:

ՄԻԱՅՆ ԵՐԱՆՏԻՔԻ ԵՎ ՇՆՈՐՀԱԿԱԼՈՒԹՅԱՆ ԽՈՍՔԵՐ՝ ՀԱՅ ՓՐԿԱՐԱՐՆԵՐԻ ՀԱՍՑԵԻՆ

ՀԱՅԱՍՏԱՆԻ ՓՐԿԱՐԱՐՆԵՐՆ ԱՎԱՐՏԵՅԻՆ ԻՐԵՆՑ ԱՌԱՔԵԼՈՒԹՅՈՒՆԸ ԹՈՒՐԵՒԱՅՈՒՄ



Հայկական որոնողափրկարարական թիմը փետրվարի 16-ին ավարտեց Թուրքիայի հարավ-արեւելքում գտնվող Ադիյաման քաղաքում ծավալած որոնողափրկարարական աշխատանքները: Փետրվարի 17-ին հայ փրկարարները վերադարձան Հայաստան:

Թուրքիայի Ադիյաման եւ Սիրիայի Հալեպ քաղաքներում շուրջ 8 օր տևած որոնողափրկարարական աշխատանքները հաջողությամբ ավարտվեցին: Հայ փրկարարները խոսել են Թուրքիայում իրենց նկատմամբ վերաբերմունքի մասին՝ նշելով, որ արժանացել են դրական վերաբերմունքի:

Լայնածավալ որոնողական աշխատանքներ, այդ թվում՝ նաեւ կինոլոգիական խմբերով:

Հայ փրկարարները խոսել են Թուրքիայում իրենց նկատմամբ վերաբերմունքի մասին՝ նշելով, որ արժանացել են դրական վերաբերմունքի:

- Շատ լավ էին վերաբերվում, շնորհակալություն հայտնում, որ գնացել ու աջակցում էինք, օգնում: Օդանավից իջնելուց առաջին իսկ վայրկյանից միայն երախտիքի եւ շնորհակալության խոսքեր էին հնչում,- ասել են փրկարարները:

Հիշեցնենք, որ որոնողափրկարարական աշխատանքներ իրականացնելու նպատակով Թուրքիա է ժամանել 40 երկրի մոտ 174 որոնողափրկարարական թիմ, իսկ Սիրիա՝ 5 երկրի 8 թիմ:

ԵՊԱՏ ՓՈՐՏԱՏՈՒԹԵՐԻՆ՝ ՓՈՐՏԱՋՈՒՐԿՆԵՐԻՆ ԱՇԽԱՏԱՆՔԻ ԸՆԳՈՒՆԵԼՈՒ ՀԱՍՏԱՐ

Փետրվարի 23-ին Հայաստանի կառավարության նիստում հաստատվեց Ջբաղվածության խթանման միջոցառումը, որի նպատակն է մեծացնել ընդհանրական կամ սոցիալական նպաստ ստացող ընդհանրների գործազուրկ անձանց, այդ թվում հաշմանդամություն ունեցող անձանց աշխատանքի տեղավորման հնարավորությունները: Ըստ այդմ, առաջարկվում է ընդհանրական կամ սոցիալական նպաստ ստացող ընդհանրների գործազուրկ անձանց աշխատանքի ընդունման դեպքում գործադրություններին տալ աջակցություն՝ աշխատանքի ընդունած անձի աշխատավարձից հաշվարկված եւ վճարված եկամտահարկի մասնակի չափով, ընդ որում աջակցության չափը եւ աջակցության տեսողությունը տարբերակվում է աշխատանքի ընդունվող անձի տարիքով, սեռով, երեխա ունենալու, ինչպես նաեւ հաշմանդամություն ունենալու հանգամանքով պայմանավորված:

ՎԵՐԱՎՈՐ «ՀԱՅՐԵՆԱԴԱՐՅՆԵՐԻ ԻՆՏԵԳՐԱԿԱՆ ԿԵՆՏՐՈՆ»

Հայաստանում շուտով իր դռները կբացի «Հայրենադարձների ինտեգրման կենտրոն»-ը, որը հիմնվում է Սփյուռքի գործերի գլխավոր հանձնակատարի գրասենյակի կողմից: Այն տեղակայվելու է Երևանում, Հանրապետության 37 հասցեում: Սփյուռքի գործերի գլխավոր հանձնակատարի գրասենյակը նպատակ ունի բարձրացնել հայրենադարձների հետ աշխատանքի արդյունավետությունը, իրականացնել սպասարկում մեկ պատահանից, ավելի շատ ծառայությունների հասանելիություն ապահովել սփյուռքահայերին:

2022 թվականին Հայաստանի քաղաքացիության համար դիմել է 25 հազար հայ: Իհարկե, քաղաքացիություն ստանալը դեռ հայրենադարձությունն չէ, սակայն ուղորդի պատասխանատվությունը նշում են, որ գործընթացը սկսվում է հենց այդպեղից: Վերջին շրջանում Հայաստան եկածներից շատերը ՌԴ-ից են, Սիրիայից, Լիբանանից: Հայաստան տեղափոխվելու գործընթացով հետաքրքրվում են նաեւ Ավստրալիայից, Արգենտինայից եւ այլ երկրներից:

ՀԱՅԱՍՏԱՆԻ ԱՐՏԱՆԱՆՈՒՄԸ

2022 թվականին Եվրասիական տնտեսական միության (ԵԱՏՄ) փոխադարձ առևտրի ծավալն աճել է 10.3 տոկոսով եւ կազմել 80.6 մլրդ դոլար: Նման տվյալներ է հայտնել Եվրասիական զարգացման բանկը (ԵԱԶԲ):

Հաղորդագրության մեջ ասված է, որ Հայաստանը, Բելառուսը, Ղազախստանը եւ Ղրղզստանն իրենց արտահանումը ԵԱՏՄ ավելացրել են 9.8 միլիարդ դոլարով (1.4 անգամ), որից Ռուսաստան՝ 9.5 միլիարդ դոլարով:

«Այսպես, Հայաստանի արտահանումը ԵԱՏՄ աճել է 1.6 միլիարդ դոլարով (2.8 անգամ), Բելառուսինը՝ 5.6 միլիարդ դոլարով (1.3 անգամ), Ղազախստանինը՝ 1.9 մլրդ դոլարով (1.2 անգամ), Ղրղզստանինը՝ 646 մլն դոլարով (1.8 անգամ)», - նշված է հաղորդագրությունում:

ԵԱՏՀ-ում նշել են, որ Միության շուկայի նշանակությունը Հայաստանի եւ Ղրղզստանի համար էականորեն աճել է: Միության երկրների բաժինը Հայաստանի ընդհանուր արտահանման մեջ 29.3 տոկոսից աճել է մինչեւ 46.8 տոկոս, Ղրղզստանինը՝ 28.8 տոկոսից մինչեւ 65.8 տոկոս:

ՄԱՌՈՐՏ

ԲԱՍԿԵՏԲՈԼ. ՎՐԱՍՏԱՆԻ ՀԱՎԱՔԱԿԱՆ ԱՄԵՆԱՅՆ ՀԱՎԱՆԱԿԱՆՈՒԹՅԱՄԲ ԿՍԱՄՆԱԿՑԻ ԱՇԽԱՐՀԻ ԱՌԱՋՆՈՒԹՅԱՆԸ

Վրաստանի բասկետբոլի հավաքականը նշանակալի քայլ կատարեց 2023 թվականի օգոստոսի 25-ին Ֆիլիպիններում, ճապոնիայում եւ Ինդոնեզիայում մեկնարկող աշխարհի առաջնության եզրափակիչ փուլի ուղեգրի ստացման ճանապարհին:

Վրաց բասկետբոլիստները փետրվարի 23-ին 88:80 հաշվով, մրցակցի դաշտում, պարտության մատնեցին Նիդերլանդների հավաքականին եւ եվրոպական «L» խմբում զբաղեցրին երրորդ տեղը:

Վաղը՝ փետրվարի 26-ին, Վրաստանի թիմը հյուրընկալելու է խմբի իր հիմ-

նական մրցակցին՝ Իսլանդիայի հավաքականին, եւ, հաղթանակի դեպքում, մեր հավաքականն առաջին անգամ, խմբի առաջին երկու տեղը զբաղեցրած Իսպանիայի եւ Իտալիայի հավաքականների հետ միասին, կնվաճի աշխարհի առաջնության եզրափակիչ փուլին մասնակցելու իրավունքը:

«ԲԱՎՈՐԻՍՆԻ 2023». ՖՐԻՍԲԱՅՆԻՍԻ ՂԱԿԻԹ ԹԵԴԻՍՎԻԼԻՆ՝ ԱՌԱՋՆՈՒԹՅԱՆ ԵԶՐԱՓԱԿԻՉ ՓՈԽՈՒՄ

Ինչպես արդեն հաղորդել ենք, Բալուրիանիում անցկացվում է դահուկապարհի, սնուկերոդի եւ ֆրիսկի աշխարհի առաջնությունը:

Մարտի 18-ին մեկնարկած առաջնությունում արդեն խաղարկվել է մեդալների 9 կոմպլեկտ:

Ներկա դրությամբ, թիմային առաջնությունում ադյուսակը՝ տարբեր արժողության մեդալներով, զբաղեցնում

է Ավստրիայի հավաքականը: Առաջատարին հաջորդում են Շվեյցարիայի ու Լեհաստանի հավաքականները:

Առաջնության մեդալակիրների թվում են նաեւ Չինաստանի, Մեծ Բրիտանիայի եւ ԱՄՆ-ի մարզիկները:

Սկի-կրոսի մրցաշարում վրաց մարզիկ Դավիթ Թեդիաշվիլին, անցնելով որակավորման փուլը, նվաճեց եզրափակիչին մասնակցելու ուղեգիր:

ԹԵԺ ԳԻԾ

ԲՈԼՈՐԻՆ ԱՆԶՐԱԺԵՇՏ ՀԵՌԱՆՈՍԱԶԱՄԱՐՆԵՐ

Շտապ բժշկական օգնություն - 112

Պարեկային ոստիկանություն - 112

Հրշեջ-փրկարար ծառայություն - 112

Պահակային ոստիկանություն - 125

Գլխավոր տեսչություն - 126

Տեղեկատու բյուրո - 118 08

Քաղաքապետարանի թեժ գիծ - 272-22-22

Առողջապահության նախարարության թեժ գիծ - 15-05

Շողովրդական պաշտպան - 299-58-98, 292-24-79

Մարդու իրավունքների պաշտպանության կենտրոն - 14-81

«Թբիլիսի Էներջի»-ի տեղեկատվական ծառայություն - 114, 240-40-04

«Վարկեթիլարի»-ի տեղեկատվական ծառայություն - 227-50-40

ԹԵԼՄԻՎՈ-ի թեժ գիծ - 16 700, (+995 32) 5 000 777

Ջրամատակարարման թեժ գիծ - 293-11-11

Կոյուղու վթարային ծառայության թեժ գիծ - (593) 50-42-52

Օդանավակայանի տեղեկատվական բյուրո - 231-03-41, 231-04-21

Երկաթուղային կայարան - 1331, 2199010

Դիրուբեի «Օկրիբա» ավտոկայարան - (599) 74-73-73

ՄԱՅՐԱՔԱՐԱՔ

ՄԱՐՏԻ 20-ԻՑ «Ա» ԿԱՏԵԳՈՐԻԱՅԻ ՏԱՔՍՈՒ ՎԱՐՈՐԴՆԵՐԻ ԱՐՏՈՆԱԳՐԵՐԻ ՀԱՆՁՆՈՒՄԸ ԴԱԴԱՐԵՑՎՈՒՄ Է

Ինչպես արդեն հաղորդել ենք, 2023 թվականի մարտի 20-ից «Ա» կատեգորիայի տաքսու վարորդների արտոնագրերի հանձնման գործընթացը դադարեցվում է:

Նորամուծության կապակցությամբ, Թբիլիսիի քաղաքապետ Կախա Կալաձեն «Ա» կատեգորիայի տաքսու վարորդներին կոչ է արել մինչեւ մարտի 20-ը ստանալ արտոնագրերը, հակառակ դեպքում, նրանք չեն կարողանա շարունակել աշխատել, տուգանքներ են նախապատրաստվում առանց թույլտվության աշխատելու համար:

Ինչպես նշեց Կախա Կալաձեն, միաժամանակ կբարձրանան տուգանքները, իսկ առանց թույլտվության իրենց գործունեությունը շարունակող վարորդները կտուգանվեն:

Շատ ենք խոսել տաքսիների բարեփոխման, իրականացվելիք փոփոխությունների, ձեռնարկվող քայլերի մասին: Մարտի 20-ից հին համակարգով կդադարեցվի «Ա» կատեգորիայի թույլտվությունների տրամադրումը, իսկ ապրիլի 1-ից կիրականացվի նոր՝ այլ մոդել: Ապրիլի 1-ին մեկ անգամ եւ վերջնականապես կբաշխվեն ցմահ թույլտվությունները, որոնք թույլտվություն ունեցողները կկարողանան վաճառել, զնել, վարձակալել, իսկ



Թբիլիսիի քաղաքապետարանն այլեւս չի տրամադրի, քանի որ այն կտրամադրվի ընդմիջտ: Եթե, այդուհանդերձ, մի օր վաճառքի որոշում կայացվի, ապա հնարավորություն կտրվի դա իրականացնել համապատասխան հարթակում: Նշենք, որ տրվելու է նաեւ վարձակալման հնարավորություն:

Քանի որ գործընթացը միանվագ է, եւս մեկ անգամ հորդորում են վերցնել հին համակարգով նախատեսված «Ա» կարգի թույլտվությունները, այլապես ապրիլից այդ անձինք չեն կարողանա ստանալ հավերժ սեփականության իրավունքի թույլտվություններ, - ասաց Կախա Կալաձեն:

ԱԿՏՈՐԻՄՆԵՐԻ ԳԾԱՆՇԱՆՈՎ ԳՈՏՈՒ ԽԱԽՏԱՆ ՀԱՄԱՐ ՈՐՊԵՏ ՏՈՒԳԱՆՔ ԱՌԳՐԱՎԿԵԼ Է ՄՈՏ 4,5 ՄԻԼԻՈՆ ԼԱՐԻ

Ինչպես տեղեկանում ենք, Վրաստանի պետության մուտքերի մասին փաստաթղթից, 2022 թվականին ավտոբուսի գծանշված (BUS LANE) վայրերից, բացառությամբ երթուղային տրանսպորտային միջոցների, այլ տեսակի տրանսպորտային միջոցների երթուղային, կանգնելու կամ կայանելու համար որպես տուգանք բյուրոն է մուտքագրվել 4 մլն 462 հազար 325 լարի:



Այս ցուցանիշը նախորդ տարվա նույն ժամանակահատվածի համեմատ 3 անգամ կամ 226 տոկոսով ավելի է:

2021 թվականին, ավտոբուսի գծանշված (BUS LANE) վայրերից, բացառությամբ երթուղային տրանսպորտային միջոցների, այլ տեսակի տրանսպորտային միջոցների երթու-

ղային, կանգնելու կամ կայանելու համար որպես տուգանք բյուրոն է մուտքագրվել 1 մլն 368 հազար 738 լարի:

Ի դեպ, BUS LANE գծանշման վայրում՝ ավտոբուսից բացի, այլ տրանսպորտային միջոցի տեղաշարժը, կանգնեցնելը կամ կայանելը տուգանվում է 100 լարիով:

1		2		3		4		5	6		7		8
							9						
10						11			12	13			
				14					15				
16							17	18					
					19					20			
21	22			23					24				25
			26		27	28	29		30				
31		32								33			
	34							35	36				
37		38			39				40			41	
				42				43					
44			45						46				47
						48	49						
50												51	
					52					53			
54										55			
						56							

ԽԱՍՏԱՆԻ ՀԱՄԱՐԻ ԽԱՉՔԱՆՈՒ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Վրաց պատմաբան, հայագետ:

5.Վրաստանի Բոլնիս- Խաչեն գրուղում ծնված մեր մեծ հեքիաթագիրը: 10.Հայտնի մարդ Բելառուսում: 11.Կճղակավոր կենդանի: 12.«... կպահես դողդողալով» (Պ.Դուրյան «Լճակ»): 14.Կրակ, հուր, բոց: 15.Առաջին հայ ֆիդային: 16.Տղամարդու երգչաձայն: 17.Դանիացի ականավոր ֆիզիկոս: 19.Պասիվի հակամիջոց: 20.«Ես իմ անուշ Հայաստանի արեւահամ ... եմ սիրում: (Ե.Չարենց): 21.Մեքենայի մաս: 24.Մոնթ, աշակերտ: 26.Արցախի հերոս Մելքոնյանի անունը: 30.Հայկական ֆիլմ «Մեր ...ը»: Հանրահայտ հայ դերասան: 33.Վարպետ, իր գործի գիտակ: 34.Քիմիական տարր: 35.Թռչնատեսակ: 38.Յոթերորդ նոտան: 39.Հետադաս կապ: 40.Հայաստանի մայրաքաղաքներից: 42.Արտի թռչուն: 43.«Արի, համով ղուլուղ արա, խալխի ... Սայաթ-Նովա»: 44.Թռչունների, կենդանիների միասնություն: 46.Համալսարանական քաղաք Գերմանիայում: 49.Հայ աշուղ: 50.Հին Թիֆլիսում գործածվող դրամական միավոր, քսան կոպեկ: 51.Համադասական շաղկապ: 52.Թիֆլիսում 1872-1921թթ. լույս ընծայվող հայկական թերթ: 54.Քաղաք Վրաստանում: 55.Կոլումբիա-

յի մայրաքաղաքը: 56.Վանա լճի կղզիներից:

ՈՐԴՆԱՆՈՒՄ.

1.Հայտնի փողոց Մոսկվայում: 2.Բույսի տեսակ: 3.Նեցուկ, հենարան, օգնող: 4.Բանջարանոցային պտուղ: 6.Մխիթարյան միաբանության կղզիներից: 7.Գարնանային գեղեցիկ ծաղիկ: 8.Աշխարհի ամենաերկար գետը: 9.Դետություն Եվրոպայում: 13.Անշունչ առարկա: 18.Հարցական դերանուն: 20.Չմեռային մարդկեցություն Վրաստանում: 22.Արյունը հոսում է նրա միջով: 23.Գետ Վրաստանում: 24.Ցուցական դերանուն: 25.Արեւմտահայ գրող Մեծատուրյանի անունը: 26.Աֆրիկյան պետություն: 27.Անգլիացի ֆիզիկոս եւ մաթեմատիկոս: 28.Վրաստանի թագուհիներից: 29.Օժանդակ բայ: 30.Խոշոր քաղաք ֆրանսիայում: 32.Առանի պարսկական մածուկ: 36.«Արդյոք ... եմ, ինչ կտրիճներ են» (Հայրենասիրական երգ): 37.Վրաց երգիչ, դերասան, ռեժիսոր Կիկաբիժեի անունը: 41.Անձնական դերանուն: 43.Գործող հերոս «Իմ գյուղը» ֆիլմում: 45.Բերդ-ամրոց Փարիզում: 47.Քաղաք Ուկրաինայում: 48.Ֆրանսահայ նկարիչ Ոստանիկ Արդյանի կեղծանունը: 53.Պարաֆինից եւ այլ նյութերից ծուլված լուսատու:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉՔԱՆՈՒ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 7.Ռեդյարդ: 9.Իզմիթ: 10.Գինձ: 11.Բեռլինգ: 13.Ազդել: 16.Սան: 17.Վեհ: 19.Սեսիա:

22.Ապագա: 24.Սուլեմա: 25.Վիտո: 27.Սատիրա: 29.Բետոն: 32.Կռունկ: 33.Լեգեոն: 35.Անկե: 38.Գեա: 40.Պրկել: 41.Լկան: 44.Կպած: 47.Ալի: 48.Կնիկ: 50.Աթիան: 51.Հնա: 52.Քե: 53.Չիլ: 54.Չիր: 55.Հաստ: ՈՐԴՆԱՆՈՒՄ. 1.Խերեք: 2.Քյոլն: 3.Արգոլ: 4.Բիձա: 5.Ունուր: 6.Գթալ: 8.Դիզել: 12.Ռաջա: 14.Չտել: 15.Եսին: 18.Ջաիր: 19.Սուրեն: 20.Սերո: 21.Ասրե: 23.Գվինեա: 26.Տակն: 28.Արեգ: 29.Բուհ: 30.Տկար: 31.Նիկե: 34.Գելաթի: 36.Նկան: 37.Ելակետ: 39.Նալ: 42.Կանչ: 43.Միիր: 45.Պազ: 46.Ծիլ: 48.Կահ: 49.Իքս:

ԳԼԽԱՎՈՐ ԽԱՐԵԿԻՐ՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺՁԼՈՆՈ 0105, ՃԱՄԲՅԵՄՈՆ ՄՅՅԱ 5, ՄԵՐ ԽԱՍՏԵՆ ԹԵԼԽԻ 0105 Գ.Աթոնելի փ. 5
 ԾՅԼ. Հեռ. 2990-739, 2990-774
 www.vrastan.ge E-mail: vrastan.press@gmail.com
 Գրանցման վկայական № 4 4 - 1439
 «ԿՈԼՈՐ» հրատարակչություն

«ՅՐԱՆԵՅՈ»
 ՄԺՁԼՈՆՈ, ՆԱՅՅԵՄՅԵՄՈ
 "ВРАСТАН"
 Тбилиси, Грузия
 <VRASTAN>
 Georgia, Tbilisi
 Индекс 66445